

# Kommunini suliffissarsiuustsisarneq suliffissarsiortullu killilersimaarneqamissaat il.il. pillugit Namminersornerullutik Oqartussat Nalunaarutaat

Suliffissarsiuustsisarneq pillugu Inatsisartut peqqussutaanni nr. 11 ulloq 16. december 1988-imeersumi § 5, imm. 4, § 8, imm. 3 kiisalu § 12, imm. 2, aamma Kalaallit Nunaannut suliffissarsiortut killilersimaarneqamissaat pillugu Inatsisartut. inatsisaanni nr. 18 ulloq 16. december 1988-imeersumi § 8 naapertorlugit aalajangersarneqarpoq:

## *Suliffissanik innersuussisarneq*

§ 1. Kommunalbestyrelsip isumagissavaa sulisitsisut suliffissarsiortullu Kalaallit Nunaanni suliffissarsiuustsisarnermik ilitersuunneqarnissaat, tamatumanissaaq suliffissarsiortut killilersimaarneqarnissaannik malittarisassanik.

§ 2. Suliassanik innersuussineq pisassaaq suliassap suuneranik tunngavissarititaanillu naliliineq suliffissarsiortumut paasissutissat, tamatumani ullut ukiullu kisitsisillu allat inummut namminermut tunngassuteqartut, ilinniarnermik inuutissarsiummillu ingerlatsisimaneq kiisalu peqqissutsimut paasissutissat tamaasa ataatsimut ataqatigiissillugit.

*Imm. 2.* Suliffissarsiortoq inuttut atukkaminik peqqissutsiminillu peqquteqarluni suliassamik akornuteqarani pissarsisinnaangikkaangat akornutaasunik qaangiiniarnermi suliffissarsiuussisarfiup inunnik isumaginniffeqarfik suleqatigisassavaa.

§ 3. Sulisitsisumut sullivimmulluunnit sulisussanik innersuussineq pisassanngilaq

1) sullivik, uppernaisaatissat naammattut tunngavigalugit, sulumajunnaarnermit sulisitsisulluunniit sulisartuminrik sulisitsiumajunnaamerannit eqqorneqaraangat, inatsisinik unioqqutitsiffiusuutitaanngippat, imaluunniit

2) sullivik soqutigittaalliorujussuarnini peqqutigalugu Sullivinnik Nakkutilliisoqarfimmit peqqussuteqarfigineqarnerminik malinnissimanngikkaangat.

*Imm. 2.* Suliffissarsiuussisarfiup sullivik imm. 1-p immikkoortortaanit 2-mit eqqugaasimanersoq tunngavissaqartumik nalornisoorfissagaluaruniuk Sullivinnik Nakkutilliisoqarfik saaffigisassavaa.

## *Kommunit akunnerminni suliffissarsiuussisarnerat*

§ 4. Sulisussat sumiinnertik naapertorlugu nikissinnaassusiat iluaquserumallugu kommunit suliffissarsiuussisarfii suleqatigiissapput.

**§ 5.** Kommunimi atorfirmut inuttassarsiukkamut suliffissarsiortunik naammattunik piginnaassusilinnik innersuussassaqaangikkaanni, § 2 takuuk, suliffissarsiuussisarfiup suliassamik innersuussut ullut sisamat qaangiutinnnginneranni kommunini allani suliffissarsiuussisarfinnut telexerutigissavaa imaluunniit aqquutit allat allakkiorluni saaffiginnissutigilertorneqarsinnaasut atorlugit. Saaffiginnissutip imarissavai atorfiup suunera, tunngavittut piumasarisasut, atorfiup pinissaanut inissaqartitsisoqarnerisq kiisalu angalanermut aningaasartuutit sulisitsisumit akilerneqassanersut.

**§ 6.** Innersuussutigalugu nalunaarutigineqartuugineraniit ullut sisamat qaangiutsinnagit kommunip tiguisup kommuni nassitsisoq nalunaarfigissavaa sulisussamik atorsinnaasumik innersuusnutissaqartoqarnerisq.

**§ 7.** Suliassamik innersuussutip nunaqarfimmit nikittariaqalerneq kingunerissappagu sulisitsisoq pisussaavoq sulisussamik avataaneersunik pisarnertulli Kalaallit Nunaanneersumut inissaqartitsissalluni angalanermilu aningaasartuutit akilissallugit.

*Imm. 2.* Piffissani immikkut ittuni suliffissaq ataavartuuppat qinnuteqarnikkut aningaasanik inatsimmi atugassatut immikkoortitaasut iluanni angalanermut aningaasartuutit naammaginnartumik naleqqussusillit Naalakkersuisunit akilerneqarsinnaapput.

*Imm. 3.* Imm. 2 naapertorlugu qinnuteqaat kommunimi suliffissarsiuussisarfik aqquutigalugu Naalakkersuisunut tunniunneqassaaq.

#### *Suliffissarsiortut killilersimaarneqarnissaat*

**§ 8.** Atorfiit ataani taagorneqartunut atorfinnut immikkoortitikkat sulisussairik Kalaallit Nunaanneersumik imaluunniit sulisussamik immikkut ittumik Kalaallit Nunaannut attuumassutilimmik inuttalersinnaangikkaanni sulisitsisoq pisussaavoq sulisussamik avataaneersumik atorfinitsitsinissamut akuersisummik qinnuteqassalluni. Nunamilu umiarsuarnilu assartuutini atorfinni makkunani atorfinitsitsinissamut akuersissutissaq atorfinitsitsinnginnermi qinnutigineqassaaq:

- 1) atorfinni suliamik ilinniagaqarsimanngitsunik inuttalerneqarsinnaasuni,
- 2) atorfinni suliassamut naapertuuttumik ilinniagaqaqqaarluni atorfiniffigineqarsinnaasuni imaluunniit Siamasissumik Tunngaviusumik Ilinniartitaaneq atorlugu ilinniagaqaqqaarluni atorfiniffigineqarsinnaasuni,
- 3) atorfinni annerusumik soorlu perorsaasutut isumaginninnermiluunniit siunnersortitut ilinniagaqaqqaarluni atorfiniffigineqarsinnaasuni,
- 4) atorfinni imarsiонерup tungaatigut annertunerusumik ilinniagaqaqqaarluni atorfiniffigineqarsinnaasuni.

**§ 9.** Suliffissarsiuussisarfik aqquutigalugu kommunimi suliffissaqartitsinermut ataatsimiititaliamut sulisussamik avataaneersunik atorfinitsitsinissamut akuerineqarnissamik qinnuteqaat immikkut immersugassiaq atorlugu sulisitsisumit qinnuteqaatigineqassaaq.

*Imm. 2.* Immersugassami qinnuteqarfissamipaasissutissat makku oqaatigineqassapput:

- 1) Sulliviup aqqa, sumiiffia sulisitsisutullu normu,
- 2) suliap suntut tunngasuunera,
- 3) atorfiup qinnutigineqartup taaguutaa imaataluallaaserineqarnera,
- 4) pisinnaassutsimut piukkunnassutsimullu piumasarineqartut,
- 5) atorfeqartitaanissap sivilissusissaa sapaatillu akunneranut sulisarnissap piffissaa,
- 6) atorfininnissami aningaasartuutissat, ineqamissaq akissarsiaassanullu tunngassuteqartunutpillugit paasissutissat,
- 7) atorfiup sulisartumit kalaaliusumit pineqamissaa pillugu iliortoqarsimaneranik paasissutissat,

8) inuup atorfirmik atorfnitsinneqalersaartup, tamanna ilisimaneqalersimappat, aqqa kiisalu

9) inuup atorfirmi atorfnitsinneqalersaartup Kalaallit Nunaannut attuumassutigisinnaasaa.

*Imm. 3.* Sulisarteq kalaaliusoq sulisitsisup itigartissimagunik, imm. 2, nr. 7 takuuk, qinnuteqaat itigartitsinermut tunngaviliussamik imaqaasaaq.

**§ 10.** Pisinnaassutsimut piukkunnassutsimullu piumasarineqartut atorfiup imarpiaanun naapertuutissapput suliaassallu iluani piumasarisaa sunut sippuisoqaasanani.

**§ 11.** Sulisumik avataaneersumik atorfnitsitsinissamik akuerineqarnissamik qinnuteqaat suliffissarsiuussisarfiup tiguguniuk atorfirmut sulisartumik kalaaliusumik imaluunniit sulisussamik Kalaallit Nunaannut immikkut ittumik attuumassuteqartuntik atorfirmut piukkunnaateqartumik innersuussisoqarsinnaanersoq, inatsisip §-ia 4 takuuk, misissussavaa. Innersuussineq pissaaq Nalunaarutip §§-ii 1-3-miittut malittarisassatut aalajangersakkat naapertorlugit.

**§ 12.** Suliffissaqartitsinermut ataatsimiititaliap sulisumik avataaneersumik atorfnitsitsinissamik akuerineqarnissamik qinnuteqaammik itigartitsissut nalunaarutigissavaa atorfik sulisartumut kalaaliusumut atorfirmut piukkunnaateqartumut innersuussutigineqarsinnaappat. Tassunga peqatigitillugu suliffissarsiuussisarfiup sulisarteq pineqartoq silisitsisumut innersuutissavaa.

*Imm. 2.* Itigartitsissut immersuiffissakkut immikkut tassunga atugassiaasukkut piaarnerpaamik kingusinnerpaamillu qinnuteqaatip kommunimit tiguneqarneraniit ullut 14-it qaangiutinnginneranni nalunaarutigineqassaaq.

**§ 13.** Suliffissarsiuussisarfirmut pineqartumut suliffissarsiuussisarfinilluunniit allanit sulisussamik piukkunnaateqartumik innersuussisoqarsinnaanngikkaangat suliffissaqartitsinermut ataatsimiititaliap sulisumik avataaneersumik atorfnitsitsinissamik akuerineqarnissamik qinnuteqaammut akuersissut nalunaarutigisassavaa.

*Imm. 2.* Akuersissut immersuiffissakkut immikkuttassunga atugassiaasukkut piaarnerpaamik kingusinnerpaamillu qinnuteqaatip tiguneqarneraniit ullut 14-it qaangiutinnginneranni nalunaarutigineqassaaq.

**§ 14.** Akuersissut piffisamik qinnutigisamik sippuisinnaanngilaq.

*Imm. 2.* Atorfirmut ataavartumik atorfigitikkusutamut akuersissut piffissami aalajangersimasumik sivilissusilimrni atuuttussanngortinneqarsinnaavoq, inatsisip § 6-ia, imm. 2 takuuk. Piumasarineqartoq tassaavoq akuersissutip atuuffiani qularnaallineqarsinnaassammat siunissami sulisussat pineqarsinnaasut allannngornissaat.

*Imm. 3.* Akuersissut piffissami aalajangersimasumik sivilissusilimmi atuuttussanngortitaq qinnuteqaqqinnikkut sivitsorneqarsinnaavoq.

**§ 15.** Sulisitsisoq suliffissaqartitsinermut ataatsimiititaliap inatsisip § 6-ia naapertorlugu aalajangiussaanik Naalakersuisunut maalaarutiginninniaruni maalaarutini allakkat puuannut nalunaaqutsikkamut ikillugu Naalakersuisunut nassiutissavaa.

**§ 16.** Suliffissaqartitsinermut ataatsimiititaliap qinnuteqaatit aamma akuersissutit tunniussat kiisalu suliffissarsiortut suliffissarsisamerat tunuartamerannillu nalunaarutaasartut nalunaarsussavai. Taamattaaq suliffissaqartitsinermut ataatsimiititaliap suliffissanik ilisimaarinninnini tunngavigalugu kiisalu pisortat ingerlatsiviinik suleqateqarnermigut sianigissavaa inatsisip aalajangersagai malinneqarnerisut.

**§ 17.** Suliffissaqartitsinermi ataatsimiititaliap sulisitsisut paasissutissanik nakkuninnga piffigisinnaavai:

1) suliap imaanik tunngavigisaanillu, tantatumanissaaq sulliviup suleriaasiinik, piffissamik suliffiusartumik, pissutsini akissarsianut ineqartitsinermullu tunngassuteqartuni,

- 2) sulisoqassuseq sulisinnaasunillu pisariaqartitsineq, tamatumanissaaq piginnaassutsit agguataarneqarnerat,
- 3) sulisorisat sulisartut kalaaliusut avataaneersullu qanoq agguataarsimanerat, kiisalu
- 4) suliamik taamaatitsinermut peqqutaasut suliffissaqanngitsunut sulisussarsiortunut siusinnerusukkut suliffusimasinnaasuni.

**§ 18.** Suliffissaqartitsinermi ataatsimiititaliap suliassat periarfissiissutaasut kiisalu sulisussanik avataaneersunik atorfinitsitsinissamut akuerineqamissamik qinnuteqaatit naatsorsuusiorlugit nalunaarusiussavai, nalunaarusiallu pisortaqarfimmut pineqartunik suliaqartumut nalunaarutigalugit.

*Imm. 2.* Suliffissaqartitsinermi ataatsimiititaliap suliffissarsiortut saaffiginnissutaat sulisoqassutsillu katitigaanera kiisalu suliat suunerannut sulliviillu angissusiinut agguataarnerat naatsorsuusiorsinnaavai. Suliap assilineqarnera pisortaqarfimmut pineqartunik suliaqartuntut nassiunneqassaaq.

*Imm. 3.* Pisortaqarfiup pineqartunik suliaqartupimm. 1-imi aamma imm. 2-mi nalunaarutigineqartussat taaneqartut najoqqutassaata ilusissaat aalajangersaavigissavaa.

#### *Suliffissaqartitsiniarneq*

**§ 19.** Suliffissaqartitsinermi ataatsimiititaliap suliffissaqarnerup ineriartornera malittarissavaa tamannalu tunngavigalugu ataqatigiissiterillunilu suliffissaqarnermi illuatungeriit qaninnerusoq ungasinnerusorlu eqqarsaatigalugit nunagisami suliffissanik pitsanngorsaanerit annertusaanerillu pillugit suleqatigissallugit.

**§ 20.** Suliffissaqartitsinermi ataatsimiititaliap suliffinnik pilersitsiortorrikkut suliffissaqartitsiniarlurti qanoq iliuusissat qularnaarumallugit pilersaarusiussavai, aammalu taamaaliornikkut sulisussat piginnaasusiat nukittorsarumallugu.

*Imm. 2.* Imm. 1-imi taaneqartut qanoq iliuusissat pillugit Namminersornerullutik Oqartussat Nalunaarutaat nr. 20 ulloq 20. juni 1986-imeersoq naapertorlugu tapiissutissat qinnutigineqarpata pilersaarutit suliarineqassapput bygderådit tusarniaffigereerlugit kommunalbestyrelsimullu siunnersuutitut nassiunneqarlutik.

#### *Atortuulerfissaq*

**§ 22.** Nalunaarut una atuutilissaaq 1. oktober 1990.

*Namminersornerullutik Oqartussat, ulloq 18. september 1990.*

Jens Lyberth

/

Ejvind Christoffersen

**Namminersorlutik Oqartussat**

Imaneq 4

3900 Nuuk

E-mail: [nsninatsit@nanoq.gl](mailto:nsninatsit@nanoq.gl)

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut